



Menurut suatu berita, tujuh belas orang Indonesia di Jawa Tengah dalam perjalanannya hendak mengambil upah memotong padi setibanya di tempat padi itu mati kelaparan. Ini mengingatkan peribahasa ayam di atas padi mati kelaparan.

\* \* \*

Berkali-kali radio menyiarkan berita bahawa banyak orang-orang di Jawa Tengah yang telah jadi korban lapar - ertinya mati kelaparan. Berita ini menakjubkan dunia seluruhnya kerana rupanya masa sekarang ada lagi negeri yang orang-orangnya mati kelaparan padahal hubungan negara sesama negara sangat rapat.

\* \* \*

Kerana ada orang menjadikan hal rakyat kelaparan ini dijadikan perbandingan dengan Malaya maka *President* bilang kemerdekaan Malaya sebagai hadiah tetapi kemerdekaan Indonesia dengan jalan revolusi. Apakah revolusi terus menerus sudah 17 tahun sedang rakyat dalam zaman revolusi tidak sebegitu menderita kelaparan seperti dalam masa aman dan bantuan menumpang-menumpang datangnye ke Indonesia? Mā shā-Allāh.

\* \* \*

*President* Sukarno sindir-sindir bahawa ketua polis dan ketua universiti masih bangsa asing. Ini tidak

mengapa kerana orang Malaya masih sanggup gaji orang buat jaga keamanan negeri dan beri guru untuk ajar anak-anaknya sampai mereka boleh kelak jaga negerinya sehingga jangan sampai ada rakyat yang mati kelaparan seperti Indonesia.

\* \* \*

Kementerian Kesihatan Singapura mengeluarkan ingatan-ingatan kepada pembuat-pembuat rumah supaya tatkala mendirikan mengikut peraturan kesihatan tentang mengadakan longkang dan sebagainya untuk mengawal kesihatan bandar daripada wabak penyakit. Ini bagus tetapi orang hairan mengapa rumah-rumah sahaja diberi ingat sedang penjaja-penjaja yang membuat kotor di jalan raya dan di tepi-tepi pasir yang membawa hama penyakit kepada makanan tidak dibersihkan sehingga longkang-longkang di tepi-tepi jalan penuh dengan darah-darah ayam itik sebab penjaja-penjaja menyang ayam itik di sana. Kenapa sepihak sahaja diberi nasihat? Untuk kebersihan bung jangan pilih bulu.

\* \* \*

Bajang sindir-sindir Syed Nasir pergi haji. Nanti katanya Syed Nasir bawa minyak atar dan air zamzam balik dan tentunya Dewan Bahasa akan semerbak baunya dengan atar. Bajang juga mekata<sup>1</sup> habib itu bawakan dia air zam zam. Mā shā-Allāh – bulan Julai tahun dahulu surat khabar Bajang hamun orang-orang haji bawa air zamzam, sekarang ia minta bawakan. Barangkali ia baharu mengucap semula atau Islam semula. Mā shā-Allāh, sekali lagi mā shā-Allāh!

- Cemeti al-Farouk

<sup>1</sup> Perkataan sebenar ialah mengata